

山西通志

山國鏗
十森
凡西人
鏘

山國鏗
十森
凡西人
鏘

序

昔在神禹畫分九州冀爲帝都八方同軌禹貢名書大一統之居爲自來言輿地之所本逮至翦桐錫封猶啟夏政受塊反國遂宏霸圖晉乘有作先列國之史又後世志州郡之緣起也雖復秦火所燬寶書並盡不獲與壁經同傳於世而至今言方志者猶曰方乘下及里冊家牒亦沿爲稱典籍之司淵源有自聖作明述所及遠矣然自郡縣而後記載闕如其以地理名家者若裴氏秀之圖禹貢郭氏璞之注山經或宣祕六體或搜奇八荒而鄉邑之近轉缺撰述其他陳晉故記并域者見於隋經籍唐宋藝文諸志亦甚寥寥沿及金元幾於無徵其可詳乃自前明始

四庫書目列成化山西志十六卷爲成化甲午學道胡謚所

山西通志

總序

輯閱九十年至嘉靖癸亥副使周斯盛續修之又五十九年爲萬曆辛亥按察使李維楨再修之始並名通志成化志外間絕無傳本周李二書亦並佚獨周志列目見巡撫萬恭所撰序凡二十篇曰圖考曰建置曰沿革曰星野曰山川曰風俗曰物產曰田賦曰戶口曰祠祀曰封建曰職官曰學校曰古蹟曰帝王曰名宦曰人物曰選舉曰藝文曰雜志其序略云志之事二十以言其化裁者三蓋風俗學校與職官焉夫作而行之之謂風沿而習之之謂俗敦而本之存乎學校神而明之存乎職官有司主奉宣治令故職官舉則學校興學校興則風俗美孔子曰安上治民莫善於禮移風易俗莫善於樂言治令之本也從政者必移其本而易其末焉可也繼自是書之志曰孰也官師之良也而正學也而使民興行也

由是而田賦登也戶口增也人文觀也賢才奮也兵食物也孰也官師之良也外志記之而內書錄之也是則志之大者已敘述其義以是書爲熙世之法典而非空文之垂焉爾蓋百有餘年書凡三修而可見者止此大概詳今略古多浮議而少考證雖遞有增益而體例相沿率以胡志爲本就一言固不得不推爲大輅椎輪矣我

朝統壹寰宇百度維新辨方正位尤重輿圖康熙十一年大學士曲沃衛周祚奏令天下郡縣分輯志書

詔允其請於是提學僉事劉梅因明志重加編纂於舊目外增疆域城池水利公署驛站寺觀陵墓鹽法祥異諸篇又區人物爲儒林文苑孝義寓賢仙釋列女凡爲類三十有二自甲寅訖壬戌歷九年五易稿乃就其採輯勤矣視前人之沿習

山西通志

總序

二

傳訛因陋就簡夙乎遠矣而其書仍不傳其佚文僅時時見於儲志儲志則雍正七年巡撫石麟奉

命重修之書而宜興儲氏大文實司其事者也儲故研究地理

其學長於論史於山川形勢多能得其要領故其書在當時頗稱名筆書凡四十類增於舊者八篇而於舊志每類各增十之一二或十之六七自序謂文雖不簡事則加詳祛浮覈實訂譌補缺差爲美備八篇者關隘武事爵封氏族辨證遺事經籍藝術也其關隘云晉山河東面則固關倒馬與居庸紫荆接壤爲神京右翼北有甯武雁門偏關控制邊塞內則天門爲會城鎖鑰西則金鎖乃入秦閒道南有天井陰地鐵嶺壺口屏蔽齊豫而所謂玉壁蒙阮千里徑雀鼠谷勾注飛狐風埶諸處皆出入必經之隘卽如鎮堡斥堠羅布聯絡均

非虛設隨地分志則邊屯戰守情形歷歷在目是亦司險之一助也其武事云晉古稱用武國十六國割據迄遼金元南北分爭代有兵革明世廟時俺答憑陵或歲一至或歲數至被禍尤酷隆慶後休養數十年至懷宗末造闖賊又起

本朝乃有姜逆之亂爲守禦爲剿撫亦守土者所宜鑑也其爵封氏族云晉自上古臺駘實沈以來唐虞三代頒瑞析圭漢唐功臣食封公主湯沐十六國春秋更不可殫述迄有明晉藩與國終始是亦稽古之一助又著姓最多甲於齊楚其後支分派別各氏其氏溯厥初祖不過數大姓故仿後魏官氏志唐宰相世系之義志氏族使土著者知重門第而遷徙四方亦慨然有水木之思焉其辨證及遺事云郡縣代更而名代易有今仍古名而地已非者如晉陽汾陽之離合梗陽

山西通志

總序

三

城梗陽鄉之分屬二邑帝冢靈臺之有無太平縣永安郡之不一其處大夏在汾澮之間翼爲古夏墟而叔虞所封非今太原必辨之而證始明必證之而辨始實而一器一物一言一行足徵掌故者別爲遺制遺聞合成遺事一類以資採考其經籍云山西舟楫不通書賈尠至少收藏家然天地大文虞書夏書汲冢周書皆晉書也元立經籍所於平陽明養德書院時雕遺書今備列其目令學者集古廣益焉其藝術云方伎舊附仙釋然晉之方伎較他國特爲奇古如董父劉累之豢龍師曠師涓之曉音律卜招父桑田巫之占筮蓋聶衛綰之擊劍戲車郭璞之數學內史叔服姑布子卿之相術扁鵲之爲醫利物濟時類皆俾造化而通神靈非尋常方伎比故別志藝術一編他若圖考廟祀別定其例風俗物產各著

爲篇併儒林於人物而特存文苑判使臣於名宦而歸入寓賢並見所撰例言蓋自諸篇外多仍舊文有增益而無竄易辨証一篇專爲補正地理而作特爲精核惟書成於雍正十二年時蔚州廣昌改屬直隸吉霍二州亦有易置皆不及追改也其後乾隆丙戌再修一統志府州縣志率皆續纂巡撫雅德乃節採原書爲通志輯要十卷體例壹遵一統志嘉慶壬申巡撫衡齡復取原書鐵其建置沿革之不合者增補分注以備

西巡進呈議重修未果也至光緒己卯巡撫曾國荃以大祲之後恐文獻無徵始有重修通志之請

詔允焉於是捐款開局延聘名儒分類編輯在事諸人率多晉產熟於鄉邦文獻又時海宇廓清十七行省多有此舉晉省

山西通志

總序

四

最後故所定體例萃諸家之長而折衷一是大旨謂州書郡記古祇詳地理今必及人物古祇辨風土今必兼政治是體本圖經而例同志傳也然究不可以僭史乃分六門以括其要曰圖以辨方曰譜以序世曰考以稽古曰略以紀今日記以述事曰錄以存人皆用史法而不襲史名其變傳爲錄義甚嚴謹蓋傳乃釋經之名司馬遷惟有本紀故作列傳明身非史官不能爲人立傳志非史也奚以傳爲至地理沿革視舊志加詳朔方七廳曩無記載聞有撰述率多譌謬相因今則考訂特精矣又地志多侈陳襍祥兼以十二次分野牽合比附其實與地志無涉茲惟詳列經緯晷度實而有徵金石記雖不載原文而采輯最備攷証尤精與地理星度皆精詣所萃也臣煦於丙戌歲任布政使曾見其體例考証之精而

日望其書之成也壬辰奉

命移撫斯地而全書適以告成幸得列名簡端遂序其緣起如是談晉故者其以此爲淵藪矣

頭品頂戴兵部侍郎兼都察院右副都御史巡撫山西兼管提督鹽政印務節制太原城守尉張煦謹序

山西通志

總序

五

山西通志

纂修職官

鑒定

太子少保兵部尚書總督兩江前山西巡撫一等威毅伯 臣 曾國荃
 賜進士出身頭品頂戴前山西巡撫調江蘇巡撫 臣 衛榮光
 賜進士及第兵部尚書湖廣總督前山西巡撫 臣 張之洞
 頭品頂戴兵部侍郎調任廣東巡撫前山西巡撫 臣 剛毅
 兵部侍郎兼都察院右副都御史前任山西巡撫 臣 豫山
 賜進士出身頭品頂戴兵部侍郎前任山西巡撫 臣 劉瑞祺
 頭品頂戴兵部侍郎巡撫山西調任江蘇巡撫 臣 奎俊
 賜進士出身兵部侍郎兼都察院右副都御史山西巡撫 臣 張煦

參閱

山西通志卷首

銜名

賜進士出身翰林院編修前山西提督學政 臣 朱福棊
 賜進士及第翰林院修撰鎮江府知府前山西提督學政 臣 王仁堪
 賜進士出身翰林院編修前山西提督學政 臣 呂鳳岐
 賜進士出身河南道監察御史前山西提督學政 臣 高燮曾
 賜進士出身翰林院編修前山西提督學政 臣 管廷鶚
 賜進士出身翰林院編修提督山西全省學政 臣 王廷相
 提調

前任山西承宣布政使司布政使 臣 葆亨
 駐藏幫辦大臣前任山西布政使 臣 紹誠
 前任山西承宣布政使司布政使 臣 方大湜
 前任山西承宣布政使司布政使 臣 易佩紳
 鎮守熱河都統前任山西布政使 臣 奎斌

賜進士出身兵部侍郎巡撫廣西前山西布政使臣高崇基
賜進士出身山西等處承宣布政使司布政使臣胡聘之
兵部侍郎漕運總督提督河防軍務前山西按察使臣松椿
山西提刑按察使司按察使調任安徽按察使臣嵩崑
福建布政使司布政使前任山西提刑按察使臣潘駿文
二品銜山西提刑按察使統轄全省驛傳事務臣張汝梅
前任分守山西冀甯道臣王定安
前任分守山西冀甯道臣左雋
賜進士出身兵部侍郎巡撫廣西前山西冀甯道臣馬丕瑤
甘肅等處承宣布政使司布政使前山西冀甯道臣沈晉祥
二品銜分守冀甯道轄太汾潞澤遼沁平七府州臣俞廉三
協理

山西通志卷首

銜名

二

鹽運使銜澤州府知府臣周天麟

候補知府臣周惺然

署太原府知府太原府同知臣張承熊

護理雁平道太原府知府臣毓銘

賜進士出身調署太原府知府甯武府知府臣吳鴻恩

鹽運使銜候升道署太原府知府大同府知府臣國鈞

委員

鹽運司提舉銜試用通判臣譚治清

署霍州吏目候補典史臣譚作霖

署畢齊克齊巡檢臣白會勛

纂修紳士

總纂

賜進士出身四品銜前兵部主事職方司行走 臣王 軒

副纂

五品銜前蒲州府教授 臣張于鑄

纂修

國子監典籍銜襄垣縣教諭 臣楊 篤

分纂

賜進士出身刑部員外郎河南司行走 臣楊深秀

保舉知縣前任翼城縣教諭 臣周 晉

賜進士出身前任陝西鳳縣知縣 臣宋志濂

貴州試用知縣 臣吳錫釗

平順鄉學訓導 臣左廷麟

河南試用知縣 臣武育元

山西通志卷首

銜名

三

分修

賜進士出身即用知縣 臣梁卓午

咸安宮官學習候補教諭 臣黃承恩

舉人 臣陳薩保

拔貢 臣仇汝嘉

舉人 臣蘇 晉

試用訓導 臣馮志沅

候補訓導 臣王宥宸

繕輯

舉人 臣王蔚林

副貢 臣趙賓興

優貢 臣田朝俊

歲

貢

生

臣張勛肖

廩

貢

生

臣毛學凍

歲

貢

生

臣趙重信

試

用

教

諭

臣康會閔

廩

生

臣薛寶善

生

員

臣閻駿烈

生

員

臣蔡桂田

生

員

臣荆體升

生

員

臣魯金鏞

繪圖

增

生

臣閻幹達

校對

山西通志卷首

銜名

四

優

貢

生

臣楊之培

督刊

從

九

品

臣宋榮第

山西通志

序例

志非史也而自宋以來地域之外兼採事文並詳人物其體已與史近論者頗以有乖古法爲疑然一方典要不外土地人民政事郡國之書託始東漢本有圖經傳記二家特古分今合古簡括今詳贍耳必執圖經爲極則謂不宜規仿史例蓋未達古今之變而觀其會通然徑襲紀表志傳之名與正史無別則又僭而不倫矣今酌定義法取便敘述部次州居各以類從分爲六門曰圖曰譜曰考曰略曰記曰錄史不必圖志則非圖不明茲圖悉計里界方一總繫全省以貫通古今曰疆域圖先

本朝次歷代古地名以墨今地名以朱唐賈耽遺法也更廣

其意凡時制古蹟皆別爲圖附焉一分繪州縣以專詳今地曰府州廳縣圖各冠以統治之府州而屬縣相從凡鋪注標識略備一邑之要村莊可詳者亦著焉斯二者以審因革以辨形勢披圖考索燦如指掌有裨實事不侈虛觀

譜卽史之表也鄭樵通志取合於圖爲圖譜略蓋用南齊王儉七志例也茲仿之次爲譜六曰沿革譜都邑之名徵實於經郡縣之制核定於史皆以朝代爲綱曰星度譜經緯之距測以極樞遠近之實量以烏里皆以城邑爲準二譜與圖相輔俾人因圖檢譜以譜證圖辨方協紀無或減矣由是創關可溯年世可紀也次以三代世譜封建制也次以秦漢以來別譜類乎封建者也次以職官貢舉二譜則郡縣法度官斯土生斯地者也

圖譜具矣而其說未詳也別爲考四宋以前地理之書散佚殆盡就其存者論之敘郡縣原始者莫先於元和志用其例爲府州廳縣考而城池鄉鎮道路界至亦皆備著言西北地形者莫詳於水經注仿其體爲山川考而山之脈絡水之源委莫不條分次以關梁考則山川之扼要也次以古蹟考則州縣之名勝也四者專道地事意主稽古在全書中辨證爲多次爲一類

一代定制大經大法備焉見於志者特其略耳故卽以略名篇亦鄭氏通志例也惟意主徵今皆先

本朝而前代之制從附凡爲略七曰田賦曰水利曰鹽法均國計民生所繫也曰秩祀以述典禮曰學制以崇文教曰營制以修武備終以公署則政令所從出也

山西通志卷首

序例

六

記晉事者後趙程璣之上黨國記北魏王遵業之三晉記唐溫大雅之今上王業記宋畢仲衍之祀汾陰記今皆不傳詳其名義大約談故實者必博徵見聞述時政者必昭著始末爰本斯意爲記六竊附於司典之後曰

巡

幸記偶舉之盛典也曰荒政記非常之仁施也敬冠諸篇爲

地方志榮爲生民志幸曰大事記以存前代之掌故曰經籍記曰金石記以徵舊邦之文獻曰風土記則地志之通例也經籍無解題而金石多考證者前人著述十不存一古刻文字幸未盡湮而舊無專書趁知護惜破例爲之等諸識小地道風俗歲時物產古各別爲記今概以風土者晉地本無殊產節序亦海內所同故詳略互見期於徵實

錄以存人也準於史當爲傳然傳者釋經之名史家用之蓋

與本紀相輔志既非史而文復雜採古今爲例不純冒其名並違其實不可也漢趙岐撰三輔決錄自序謂其人旣亡行乃可述晉虞預著會稽典錄史通以爲與益部耆舊汝南先賢同爲郡書茲之所輯竊比二家蓋義宏數典而論定蓋棺也凡錄十二曰名宦曰鄉賢曰忠烈曰孝友曰義行五者皆典祀所及有光簡冊者也曰仕實曰儒行曰文學曰隱逸曰藝術五者皆沒世有稱克自樹立者也次及方外藉廣異聞以舊志所有過而存之也終以列女所錄最夥旌節之典不遺生存年例旣符姓氏復具不能以意去取也其編次一依朝代略區以今之府州而斷自漢始不及三代者名卿家世已具於譜郡縣以前本無繫籍之別其行事見經傳又人所習知故徑從略不及流寓者名賢僑居散見山川古蹟諸篇前人例無別傳寓賢之稱亦復不與附諸隱逸於義或合而舊志所述類多宦遊至以晉人羸入斯又雜採州縣志而失之者以其非鉅旨所關亦未暇一一裁別也

凡六門爲類三十有七頭緒繁多者則區爲子目事體相近者則列爲附目其詳具見各類小序全書自五十卷後皆隨纂隨刻惟人物一門多錄舊志餘無所蹈襲開有採用亦必注明冀存原書敘述之法分列綱目以綱爲斷文悉頂格以目爲案文悉低格徵引故書例同於目凡引古籍官書及名家著述皆亞一字書之引舊志府州縣志及近人文集皆亞二字書之有所辨證則加謹案字亞三字書之以清眉目至於舊志人物之後錄藝文四十五卷又繼以雜志三卷此亦志家之常今不及者府州縣志專志一隅不得不廣張名目

旁搜隱僻藉爲夸飾取充卷數若一省之大連十餘郡統數
千年開闢於世最先文物自昔爲盛史傳且刪削過半矣而
反採脞編瑣說以爲博專集已搜羅略備矣而更掇詩文雜
著以示多其曼衍不已甚乎故決然舍之雖通例亦不敢苟
同也

山西通志

目錄

圖二 三卷

疆域圖 總圖一分圖八 卷一

府州廳縣圖上 九府 卷二

府州廳縣圖下 十州七廳 卷三

譜六 十九卷

沿革譜上 各府 卷四

沿革譜下 各州 各廳 卷五

星度譜上 北極高度 偏度 節氣 卷六

星度譜下 日出入晝夜刻 曷影 中星 卷七

三代世譜 帝王侯國 三晉 卷八

山西通志卷首 目錄 九

秦漢以來別譜 尊號 爵封 姓望 卷九

職官譜一 漢至唐 卷十

職官譜二 五代至元 卷十一

職官譜三 明 卷十二

職官譜四 國朝 卷十三

貢舉譜一 漢至宋 卷十四

貢舉譜二 遼金元 卷十五

貢舉譜三 明洪武至宣德 卷十六

貢舉譜四 明正統至宏治 卷十七

貢舉譜五 明正德至隆慶 卷十八

貢舉譜六 明嘉靖至崇禎 卷十九

貢舉譜七 國朝順治康熙雍正 卷二十

貢舉譜八

國朝乾隆嘉慶

卷二十一

貢舉譜九

國朝道光咸豐同治光緒

卷二十二

考四 三十五卷

府州廳縣考一

冀甯道山西總序 太原府

卷二十三

府州廳縣考二

冀甯道汾州府 潞安府

卷二十四

府州廳縣考三

冀甯道澤州府 遼沁平三州

卷二十五

府州廳縣考四

河東道陽府 蒲州府

卷二十六

府州廳縣考五

河東道絳州府 隰霍四州

卷二十七

府州廳縣考六

雁平道大同府 朔平府

卷二十八

府州廳縣考七

雁平道武府 忻代保三州

卷二十九

府州廳縣考八

歸綏道薩豐清托甯和七廳

卷三十

山川考一

中條山 底柱山 析城山 王屋山

卷三十一

山西通志卷首

目錄

十

山川考二

霍山 壺口山

卷三十二

山川考三

太行山

卷三十三

山川考四

太行山

卷三十四

山川考五

五臺山 句注山

卷三十五

山川考六

管涔山

卷三十六

山川考七

管涔山

卷三十七

山川考八

恒山 武州山

卷三十八

山川考九

白登山 大青山

卷三十九

山川考十

黃河 汾河

卷四十

山川考十一

入汾四水

卷四十一

山川考十二

沁漳水 丹水 濁漳水

卷四十二

山川考十三

漳沁水 桑乾水 滹沱水

卷四十三